



武
62
27



武
612
卷
27

同
氏
印

重訂唐王燾先生外臺秘要方第二十七卷目錄

諸淋大小便難
病二十七門

諸淋方三十五首

五淋方三首

石淋方一十六首

血淋方五首

小便赤色如紅方三首

熱淋方三首

勞淋方三首

氣淋方五首

膏淋方二首

小臺必妥

二十七卷目錄

卷二十七

同
氏
印

許仁則淋方二首

大便難方六首

大便不通方一十七首

大便閉澀不通方七首

大便失禁并關格大小便不通方二十二首

關格脹滿不通方四首

許仁則大便暴閉不通方三首

小便不通方一十二首

小便難及不利方九首

遺尿方六首

尿血方一十一首

胞轉方一十五首

小便血及九竅出血方一十二首

小便不禁方二首

小便數及多方五首

許仁則小便數多方四首

尿牀方六首

灸穴雜法一十二首

小便不通方二首
小便血方共海山血方一十二首
血方一十五首
血方一十一首

唐王燾先生外臺秘要方第二十七卷

宋朝散大夫守光祿卿直秘閣判登聞鼓上護軍臣林億等 上進

新安後學程衍道敬通父訂梓

諸淋方三十五首

病源諸淋者由腎虛而膀胱熱故也膀胱與腎為表裏俱主水水入小腸下於胞行於陰為溲便也腎氣通於陰陰津液下流之道也若飲食不節喜怒不時虛實不調則臍藏不和致腎氣虛而膀胱熱也膀胱津液之腑熱則津液內溢而流於尿道不通水不上不下停積於胞腎虛則

小便數膀胱熱則水下澀數而且澀則淋瀝不宜故謂之
 淋其狀小便出少起數少腹弦急痛引於臍又有石淋勞
 淋血淋氣淋膏淋諸淋形證各隨名具說於後章而以一
 方療之者故謂諸淋也其湯熨針石別有正方補養宜導
 今附於後養生方導引法云偃卧令兩足布膝頭斜踵置
 鳩口內氣振腹鼻出氣去淋數小便又去石淋莖中痛又
 云蹲踞高一尺許以兩手從外屈膝內入至足跌上急手
 握足五指極力一通令內曲以利腰髖療淋也出第十四卷中
 廣濟療患淋來積年比醫療不能得愈或十日五日一發
 卽有可時今年因病更頻數二十日來不定

滑石

冬葵子

石常

蒲黃

陳橘皮

茯苓

芒硝

子芩

右十味搗篩為散空腹煮後飲子服方寸匕日二服漸
 加至一七半不利熱麩炙肉醋蒜等

又飲子方

桑白皮

百合

白茅根

右四味細剉以水四升煮取二升去滓温下前散藥口

乾渴含之亦得也

又療淋小便不通未六七日方

滑石 五兩

通草 三兩

瞿麥 二兩

冬葵子 一兩

茅根 一升

石薺 三兩
去毛

芒硝 二兩

右七味切以水九升煮取二升八合去滓內芒硝分溫

三服每服如人行六七里進一服以微利為度忌如前

並出第四卷中

諸熱食物

范汪療淋方

取蘩縷草滿兩手把以水煮服之可常作飲勿不飲

也

又方

煮菟絲子服之如蘩縷法

又方

露蜂房燒飲服之取如椀大者妙

又方

雞子二枚去白黃以鹽內殼中使滿以三升水漬一

升豉絞取汁取其殼中鹽投汁中攪令調盡服之

又方

滑石

海蛤

雞子殼

各等分

右三味搗篩為散以飲服半錢七日三服漸加至一錢

七甚良

又方

取地^麥草一名地膚草二七把以水二升煎之亦可
長服一法且漬豉汁飲之良

又療淋利小便葵子散方

葵子 半升 滑石 二兩 石南葉 一兩 地榆 三兩

石^韋 一兩 通草 一兩

右六味搗篩為散飲服方寸七日三服良

又療淋莖中有石方

取雞屎白半升暴乾熬之令香搗篩為散以酪一云

漿飲方寸七日三服到一二日當下石便當於器中尿石下為驗

又療淋師所不能療者神方

取葛上亭長生折斷腹腹中有白子如小米長二三
分取著白板上陰^乾燥二三日藥成若有人患十
年淋服三枚八九年以還服二枚服時以水著小盃
中水如棗許內藥盞中半食頃以瓜^瓜甲研當令扁扁
見於水中仰頭令人寫入咽喉中勿令近牙近則著
牙齒間不盡得入咽之也藥雖微小下喉自當覺至
下焦淋所有頃藥作大煩急不可堪者飲^麥乾飯汁
藥勢止也若無^麥乾飯汁但水亦可耳老小服三分
之一^耳藥當下淋如膿血連連爾石去者或如指頭或
青或黃男女服之皆愈水道去并療婦人產生後餘疾積聚

或成帶下服之亦愈此蟲正月二月為芫青三月為
王不留行四月五月六月為葛上亭長七月為班猶

丸月十月為地膽隨時變耳亭長時頭當赤身黑若
淋不止以意節度更增服之並出第六十五卷中

小品地膚湯療下焦諸結熱小便赤黃數起出少大痛或
便血溫病後餘熱及霍亂後當風取熱過度飲酒房勞及
步行冒熱冷飲逐熱熱結下焦及乳石熱動關格少腹堅
胞脹如斗大諸淋服之即通方

地膚草 三兩

知母

猪苓 去皮

瞿麥

黃芩

升麻

通草 各二兩

海藻 一兩

葵子 一升

枳實 二兩炙

右十味切以水九升煮取三升分為三服大小便皆閉
者加大黃三兩婦人房勞腎中有熱小便難不利腹滿
痛脈沉細者加猪腎一具千金同崔氏云若加猪腎先
以水一斗半煮取一斗內藥煎

又療淋榆皮湯方

榆皮 半斤

滑石 二兩一兩

黃芩 一兩一兩

甘草 炙

瞿麥 各二兩

葵子 一升

右六味切以水一斗煮取三升溫服一升旦服忌海藻
菘菜並出第四卷中

集驗療淋方

以此輪錢三百文以水一斗煮取三升飲之神效
後同千金治氣淋通按此輪錢未詳

千金不傳

又方

取牛耳中毛燒灰服半錢七立愈文仲必効同

又方

燒頭髮灰服之良文仲同並出第五卷中

千金療淋痛方

滑石 四兩

貝子

枚三七

茯苓

白朮

通草

芍藥

各二兩

右六味搗篩為散酒服方寸七日二服大良忌酢桃李雀肉等

又方

葵子 五合

茯苓

白朮

當歸

各二兩

右四味切以水七升煮取三升分三服

范注同

忌雀肉桃李酢物等

又方

栝樓

滑石

石薺

去毛各二兩

右三味為散以大麥粥飲服方寸七日三服良

又方

蜀葵根 八兩

大麻根 五兩

甘草 一兩

貝子

五合燒

通草 二兩

茅根 三斤

石首魚頭石

四兩

右七味切以水一斗二升煮取五升分為五服日三夜

小臺必妥

二十七卷

六

經餘居

二服亦主石淋忌海藻菘菜神良

又方

取細白沙三升一味熬令極熱以酒三升淋取汁一合服之一云頓服

又方

榆皮一斤 車前子一升 冬瓜子一升 鯉魚齒

桃膠 地麥草夾 通草 各二兩 瞿麥 四兩

右八味切以水一斗煮取三升分三服日三服

又療卒淋方

灸外踝尖七壯

又方

取石首魚頭石末水服方寸七日三服

又方

鯉魚齒燒灰末酒服方寸七日三服並出第二十一卷中

崔氏療淋散方

石帚洗刮去毛 大蟲魄一兩研 滑石一兩半 當歸

芍藥 黃芩 冬葵子 瞿麥各一兩

亂髮三團如雞子大燒灰 茯苓一兩半

右十味搗篩為散服方寸七日二服出第四卷中 琥珀通按

古今錄驗療淋瞿麥散方主簿甄權處

等

瞿麥

石韋 去毛

滑石

車前子

葵子 各四兩

右五味搗篩冷水服方寸七日三服增至三七忌酒麪慎生冷物也

又方

取生續斷絞汁一升服之

又療淋滑石湯方

滑石 一兩

榆白皮 二兩

石韋 去毛 一兩

地麥草 二兩

葵子 二兩

右五味切以水一斗煮取四升分四服日再服甚良

又療淋榆皮湯方

瞿麥 二兩

防葵 一兩

榆白皮 一兩

葵子 一升

滑石

二兩一方四兩

黃芩

一兩一方二兩

甘草

二兩一方一兩炙

右七味切以水一斗煮取三升分二服忌海藻菘菜

又方

取附疋底苔大如鴨子以甌半水煎取一甌頓服日

三服千金治氣淋並出第二十六卷中

近効療淋方

葵子 一升

右一味以水三升煮取二升去滓分溫服再相去如人行十里無所煎茅根飲之亦佳

又方

人參 六分

厚朴 三分

粟米 二合

右三味切以水三升煮取七八合以新布絞去滓分濕

三服服別相去如人行七里久忌食生冷等物

又方

茯苓

地骨皮 各三兩

甘草 炙

黃芩

前胡

生薑 各二兩

麥門冬

八兩

竹葉 切

蒲黃 二兩

右九味切以水九升煮取二升六合去滓分爲三服服別相

五淋方三首

去如人行七八里久忌熱麪油膩海藻菘菜酢物等

集驗論五淋者石淋氣淋膏淋勞淋熱淋也石淋之爲病

小便莖中痛尿不得卒出時自出痛引少腹膀胱裏急氣

淋之爲病小便難常有餘瀝膏淋之爲病尿似膏白出少

腹膀胱裏急勞淋之爲病倦卽發痛引氣衝小便不利熱

淋之爲病熱卽發其尿血後如豆汁狀畜作有時五淋各

異療方用雜故不載也並出第五卷中

范汪療五淋方

螻蟲

五分熬一

班猫

二分去

地膽

二分去

猪苓

三分

右四味搗篩爲散每服四分七日進三服夜二服但少

腹有熱者去猪苓服藥二日後以器盛小便當有所下

魚齒疑鯉
魚齒前諸
方可證又
後集驗可
次

肉淋者下碎肉血淋者下如短繩若如肉膿氣淋者下如羹上肥石淋下石或下砂劇者十日即愈禁食羹猪肉生魚葱鹽醋以小麥汁服之良
又療五淋神良延命散方

滑石

礞石燒半白

石膏

車前子

露蜂房

多并白子用之

貝子

擣著苦酒中二三宿取細者用之

栝子人

魚齒

擣令熟

雞矢白

苦瓠中穰

并子熬

特牛陰頭毛

燒芒硝

熬令汁盡

白雞肫裏黃皮熬

婦人陰上毛

二分燒一本無

右十四味擣篩為散每服半錢七加至一錢七日三夜

一服以葵子飲下之三日愈甚者不過六七日愈小便以器盛之當見石及諸物也並出第十五卷中

必効療五淋方

白茅根四斤剉之以水一斗五升煮取五升去滓分

三四服附後千金同出第三卷中

石淋方一十六首

病源石淋者淋而出石也腎主水水結則化為石故腎各砂石腎虛為熱所乘熱則成淋其病之狀小便則莖裏痛溺不能卒出痛引少腹膀胱裏急砂石從小便道出甚者塞痛令悶絕出第十四卷中

通按
水草無
毒開別
本作葛
蕈即蕈
草也又
名勒菴

范汪療石淋方

鼈甲燒灰搗篩為散酒服方寸七頻服數劑當去石也肘後同

又方

取人家籬牆上連蔓葎開掘出見其根挽斷以杯於坎中承其汁服之一升石自當出若不出更服一升

又方

取車前子二升用絹囊盛之以水八升煮取三升去滓頓服之移日又服石當下也不得飲宿勿食服之神良後千金同

又方

栢子人 芥子 滑石 各等分

右三味搗篩為散以麥汁飲服方寸七日三服已効

又方

牛角燒灰服方寸七日五六服任意飲酒

又方

瞿麥子搗為末酒服方寸七日三服至一二日當下石又香薷搗作屑以酢漿飲服方寸七日三至二三日當下石並出第十五卷中

小品療石淋方

小臺必要

二十七卷

七

經餘

浮石取滿一手，擣為末，以水三升，苦酒一升，煮取二升，澄清，溫服一升，不過再三服，石即出。便 古今錄驗 千金 崔氏同出

第四卷中

集驗療石淋方

鯉魚齒一升，貝齒一升，擣篩，以三歲苦酒和，分為三服，宿不食，旦服一分，日中服一分，暮服一分。古今錄驗 范汪

文仲石淋方

桃膠如棗大，夏月著三合冷水中，冬月以湯三合和之，一服，日三當下石，石盡即止。千金 古今錄驗 同

又方

濃煮車前草汁飲之，良也。古今錄驗 同 出第四卷中

古今錄驗療石淋及諸淋方

石首魚頭石十四枚 當歸等分

右二味擣篩為散，以水二升，煮取一升，頓服，立愈。單

魚頭石亦佳

又石淋石帚散方

石帚去毛 滑石各三分

右二味擣篩為散，用米汁若蜜服，一斗，圭日二服。范汪 同

又方

取生葶葉擣絞取汁三升為三服。石自出。范汪同。
又滑石散療石淋莖中疼痛瀝瀝晝夜百餘行內出石及
血方

滑石 二十分 石帚 去毛 當歸 通草

地膽 去足 鍾乳 研各二分 車前子 三分 瞿麥

蛇床子 二分 細辛 蜂房 炙各一分

右十一味為散以葵汁麥粥服方寸七日三忌生葱生菜
又療石淋瀝瀝莖中痛晝夜百行或血出延命散方

滑石 牛角鯁 燒 芒硝 消 各二兩 瞿麥 三兩

車前子 露蜂房 炙 貝子 燒 栢子 仁

通按 此方與 前延命 散同但

魚齒 炙 雞矢白 苦瓠子 燒 牛陰頭毛 各一

婦人陰上毛 二分 一本無

右十三味擣篩為散以葵汁服方寸七日三服

又療石淋方

取雞子陳者一枚用苦酒一升以雞子合苦酒置器

中以油紙三四重密封頭不令水得入沉井中一宿

平旦取剥去皮吞其黃石即消去也並出第二十六卷

血淋方五首

病源血淋者是熱淋之甚者則尿血謂之血淋心主血血
之行身通遍經絡循環臍藏勞熱甚者則散失其常經溢

卜臺必更

二十七卷

多牛角 鯁石膏 二味少 脊石石 腎雞勝 脛三味

滲入胞而成血淋也。出第十四卷中。

廣濟療血淋不絕雞蘇飲子方

雞蘇 一握 竹葉 一握 石膏 八分 生地黃 一升

蜀葵子 四分末 湯成下

右五味以水六升煮取二升去滓和葵子末分溫二服

如人行四五里久進一服古今錄驗范汪同

又療血淋小便慘痛方

雞蘇 二兩 滑石 五兩 生地黃 半斤 小蘇根 一兩

竹葉 二兩 通草 五兩 石膏 五兩碎

右七味細剉以水九升煎取三升去滓分溫三服如人

迴按 小蘇根 疑是小 剉根

行四五里進一服並出第四卷中

千金療血淋方

石常 去毛 當歸 芍藥 蒲黃 各等分

右四味為散酒服方寸七日三服附後文仲同出第二十一卷中

備急陶氏療淋下血二升者方

取芎紅麻根十枝枝以水五升煮取二升一服血止神驗

附後古今錄驗同

又方

灸足大指前節上十壯良並出第六卷中

小便赤色如紅方三首

延年論曰療小便赤色如淺紅花汁此是憂愁驚恐心氣
虛熱客邪氣與熱搏於心所以小便赤心主南方火王在
四月五月六月其色赤驚恐動於心心不受邪邪即傳於
小腸滲入胞中所以小便赤此為微邪其病猶輕今服丸
子即得漸差心即是火火惡於清清即是水水能滅火既
損心氣即不得食熱及冷水并勿憂愁如不慎恐小便色
赤如血漸即難愈今處乾地黃丸補心神益脾氣散客熱
自然調和小便色即自變如常第一不得憂愁在心并勿
食熱食及冷水等方

乾地黃 黃耆各六分 防風 遠志皮

茯神 括樓 子芩各四分 鹿茸炙三分

龍骨四分五分 人參五分 滑石十二分 石帚湯漬一宿刮去皮

當歸名二分 芍藥 蒲黃 甘草炙

戎鹽各三分 車前子八分

右十八味持篩為末以蜜及棗膏各半相和煎令消散和
藥為丸如梧桐子大每食後少時以粥清下十九日二
三稍加至十五二十九以知為度許孝璋處禁熱食及冷水海藻松菜
又茅根飲子療胞絡中虛熱時小便如血色方燕薹酢

茅根一升 茯苓三兩 人參 乾地黃二兩

有四味切以水五升煮取一升五合去滓分溫五六服

中間任食 一日食盡 文仲處 忌大蒜蕪荑大酢五辛熱麪等物

文仲通草飲子主熱氣淋澁小便赤如紅花汁色方

通草兩三 葵子升一 茅根 王不留行

蒲黃炮 桃膠 瞿麥 滑石各四兩碎

甘草七錢 石韋二兩湯浸去毛

右九味切以水一斗煎取六升去滓分溫五六服忌如

藥法食五辛熱麪炙肉出第十卷中 每服如人行八九里進之

熱淋方三首

病源熱淋者三焦有熱氣搏於腎流入于胞而成淋也其

狀小便赤澁亦有宿病淋今得熱而發者其熱甚則變尿

血亦有小便後如似豆羹汁狀者畜作有時也出第十四卷中

宋本此方直接上文病源後无空闕

廣濟療熱淋方小便澁痛

車前草升一 通草三兩 葵根切一 芒硝六分湯成下

右四味以水七升煮取二升絞去滓內硝分溫三服服

別相去如人行六七里微利為度忌熱食出第四卷中

古今錄驗療淋小便數痛膀胱中熱滑石散方

滑石二兩 枳樓二兩 石韋二分去毛

小臺心要 二十七卷 經余居

右三味搗篩為散以大麥粥清服方寸七日並出第二十六

近効療熱淋日夜數十度服藥不差方

空腹服井花水一二升必差特進鴻臚進用如神効方
喫水了後行六七百步甚良

勞淋方三首

病源勞淋者謂勞傷腎氣而生熱成淋也腎氣通於陰其
狀尿留莖內數起不出引少腹痛小便不利勞倦即發也
出第十四卷中

千金夫勞淋之為病勞倦即發痛引氣衝灸之方

灸足太陰百壯在內踝上三寸三報之療與氣淋同
又療五勞七傷八風十二痺以為淋勞結為血淋熱結為
肉淋小便不通莖中痛及少腹急痛不可忍者方

- 滑石 三分
- 王不留行
- 冬葵子
- 車前子
- 桂心
- 甘遂
- 通草 各二分
- 石韋 四分去毛

右八味搗篩為散以麻子粥五合和服方寸七日三服
尿清差並出第二十一卷中

古今錄驗療石淋勞淋熱淋小便不利胞中滿急痛石韋
散方

- 通草 二兩
- 石韋 二兩去毛
- 王不留行 一兩
- 滑石 二兩

外科... 經會... 卷中

甘草 炙 當歸 各二兩 白朮 瞿麥

芍藥 葵子 各三兩

右十味搗篩為散先食以麥粥清服方寸七日三服出
第二十六卷中

忌海藻菘菜桃李雀肉等

氣淋方五首

病源氣淋者腎虛膀胱熱氣脹所為也膀胱與腎為表裏
膀胱熱熱氣流入胞熱則生寘令胞內氣脹則少腹滿腎
氣不能制其小便故成淋耳其狀膀胱小便皆滿尿澁常
有餘瀝是也亦曰氣瘕瘕診其少陰脈數者男子則氣淋出
第十四卷中

千金療氣淋方

灸關元五十壯

又方

夾玉泉相去一寸半灸三十壯

又方

水三升煮豉一升一沸去滓內鹽鹽一合頓服之

又方

搗葵子末湯和服方寸七

又方

空腹單茹蜀葵一滿口

小臺必要 二十七卷 大 經餘

膏淋方二首

病源膏淋者淋而有肥狀如膏故謂之膏淋亦曰肉淋此腎虛不能制於肥液故與小便俱出也出第十四卷中

千金療膏淋方

搗葎草汁三升醋三合和空腹頓服當如大豆汁下一名葛葎也

又膏淋之為病尿似膏自出療之一如氣淋也並出第二十一卷中

許仁則淋方二首

許仁則療小便淋澁方此病有數種有石淋有熱淋有氣淋氣淋者氣擁塞小便不通遂成氣淋此病自須依前療

水氣法石淋者綠先服石石氣不散擁遏生熱故成石淋

熱淋者體氣生熱更緣食飲將息傷熱熱氣灼灼遂成熱

淋更無餘候但苦若體氣熱小便澁出處酸酒宜依後瞿麥

等六味湯大蟲等五味散三淋俱服之方

瞿麥穗三兩 冬葵子一升 榆白皮切一兩 桑根皮六兩

白茅根切一升 石帚四兩

右藥切以水一斗煮取三升去滓分溫三服每服如人行十里久服三五劑後宜合大蟲鬼五味散服佳

又方

大蟲鬼六兩 石帚三兩 瞿麥穗四兩 冬葵子一升

茯苓 六兩

右藥搗篩為散煮桑白皮作飲子初服一方寸七日再服稍加至三七忌酢物吳昇同出下卷中

大便難方六首

病源大便難者由五藏不調陰陽偏有冷熱虛實三焦不和則冷熱并結故也胃為五穀之海水穀之精化為榮衛其糟粕行之於大腸以出也五藏三焦既不調和冷熱擁塞結在腸胃之間其腸胃本實而又為冷熱之氣所并結聚不宜故令大便難也又云邪在腎亦令大便難所以爾者腎藏受邪虛而不能制小便則小便利津液枯燥腸胃

乾澁故大便難又渴利之家大便亦難所以爾者為津液

枯竭致令腸胃乾燥診其左手寸口人迎以前脉手少陰

經也脉沉為陰陰實者病苦閉悶大便不利腹滿四肢重

身熱若胃脹右手關上脉陰實者脾實也病苦腸中怵怵

一作如牢狀大便難脉緊而滑直大便亦難踰陽脉微弦

法當腹滿不滿者必大便難而脚痛此虛寒從下而上也

其湯熨鍼石別有正方補養宣導今附於後養生方導引

法云偃卧直兩手捻左右脅除大便難腹癩脹中寒口內

氣鼻出氣溫氣咽之數十病愈出第十四卷中

肘後療脾胃不和常患大便堅強難方

通按
此印仲
景麻仁
丸方去
杏人也

大黃

芍藥

厚朴

炙各二兩

枳實

六枚炙

麻子

別研五合

右五味搗篩入麻子蜜和為丸如梧桐子大每服十九丸日三服稍稍增之以通利為度可常將之集驗備急古今錄驗同出

第二卷中

千金療大便難方

灸承筋二穴三炷在臍中央陷中

又方

單用豉清醬清羊酪土瓜根汁並單灌之立出范汪同

又練中丸主宿食不消大便難方

大黃

八兩

葶藶

熬

杏仁

去皮尖熬

芒硝

各四兩

右四味搗篩為末鍊蜜為丸如桐子大每服十九日三

服補加之並出第十五卷中

備急不得大便或十日一月方

葵子二升水四升煮取一升去滓一服不愈重作服

良忌蒜炙肉

古今錄驗文仲范汪同姚方出第六卷

古今錄驗麻子人丸療大便難小便利而反不渴者脾約

方

麻入

二升別為膏

枳實

半斤

芍藥

半斤

大黃

一斤

厚朴

一尺炙

杏仁

一升去皮尖熬別為脂

右六味擣篩為末，鍊蜜為丸，如梧桐子大，每服飲下十丸，漸增至三十丸，日三服。此本仲景傷寒論方，出第二十六卷中。

大便不通方一十七首

病源大便不通者，由猶三焦五藏不和，冷熱之氣不調，熱氣偏入腸胃，津液竭燥，故令糟粕痞結，擁塞不通也。其湯熨針石，別有正方，補養宣導，今附於後。養生方導引法云：龜行氣，伏衣被中，覆口鼻頭面，正卧不息，九通，微鼻出氣，療閉塞不通。出第十四卷中。

別後療大便不通方

研麻子以米雜為粥，食之。

又方

礬用礬石如指大者，導下部。並出第六卷中。

千金療大便不通方

灸第七椎兩傍各一寸七壯。

又方

桃皮三升，水五升，煮取一升，頓服。

又方

水一升，煮羊蹄根一把，取半升，頓服。

又方

煮麻子取汁飲之。

通按
礬石一
若本作礬

又方

常服蜜煎五合

又方

猪脂和陳葵子末為丸如梧桐子大每服飲下十九通即止

又方

常服車前子及苗並通也

又方

搗葵根汁服之良

又方

葵子一升牛酥一升猪脂亦得以水三升煮葵子取一升內酥蘇煮一沸待冷分二服並出第十五卷中

必効療大便不通方

牛膠一條

廣二寸長四寸

葱白一握

宋此三字小書

右二味用水二升三和煮消盡去滓頓服之千金同

又方

漢葶

濕瓜蒂七枚綿裹內下部如非時醬瓜亦得

並出第三卷中

崔氏療大便不通方

丈夫婦

菖蒲末

石鹽末

兩各一

右二味相和取半七和烏麻脂少許綿裹內下部中即

通

又方

猪脂一升温酒一服令盡良並出第四卷中

古今錄驗療心腹脹滿大便不通方

芍藥 六分 黃芩 五分 大黃 八分 芒硝消 六分

杏人 熬去皮尖八分 宋在黃芩下

右五味搗篩為末鍊蜜為丸如梧桐子大每服十五丸
粥飲下加至二十九取通利為度經心錄同出第二十六卷中

近効療大便不通方

用猪膽和少蜜於鑊中熬令熟稠丸如棗大內下部

中即差

大便秘澁不通方七首

千金療大便秘澁不通神方

猪羊膽無在

右一味以筒灌痛三合許令深入即出矣不盡須更灌

一方加冬葵子汁和之又有椒豉湯五合猪膏三合灌
之佳經心錄同 臨時易可得即用之

又三黃湯療下焦熱結不得大便方

大黃 三兩 黃芩 二兩 甘草 炙一兩 梔子 二七枚

右四味切以水五升煮取一升八合分三服若秘加芒

消 硝二兩 出第十五卷中
急 海藻 松菜

備急療卒大便閉澀不通方

葛氏云削瓜蒞如指大導下部中即効

又方

燒亂髮灰三指檢投水半升一服

又方

綿裹鹽鹽作三丸如指大內下部中

又方

煎蜜令強加乾薑末和丸如指導下部中姚云欲死者蜜三升微火煎如白投冷水中令凝丸如大指長

三四寸導之良

又方

穿 猪膽一枚內下部中倒瀉之姚云療七八日奔氣傷心欲死者須更便通良范汪同

大便失禁並關格大小便不通方二十二首

病源大便失禁者大腸與肛門虛冷滑故也肛門大腸之候也俱主行糟粕既虛弱冷滑氣不能溫制故使大便失禁

又關格大便不通謂之內關小便不通謂之外格二便俱不通為關格也由陰陽氣不和榮衛不通故也陰氣大盛

陽氣不得營之曰內關陽氣大盛陰氣不得營之曰外格
陰陽俱盛不得相營曰關格關格則陰陽之氣痞結腹內
脹滿氣不行於大小腸故關格而大小便不通也又風邪
在三焦三焦約者則小腸痛內閉大小便不通日不得前
後而手足寒者為三陰俱逆三日死也診其脉來浮牢且
滑直者不得大小便也並出第十四卷中

范汪療下部閉不通方

取烏梅五顆著湯漬須臾出核取熟搗之如彈丸內
下部中即通也附後同

又方

取蒟蒻根一把搗末水和絞去滓強人服一升數用
有效兼療脚氣

又療大小便不通三陽實大便不通方

榆白皮 三兩 桂心 二兩 滑石 六兩 茸草 三兩

右四味以水一斗煮取三升分三服

集驗同並出第十
六卷中忌海藻松菜葱

集驗療關格之病腸中轉痛不得大小便一日一夜不差
欲死方

芒硝消三兩紙三重裹於炭火內燒令沸安一升水中

盡服之當先飲溫湯一二升以來吐出乃飲芒硝汁
也附後同

通按
足大指
本節後
曰岐骨
今云奇
間當是
岐間也

千金療老人小兒大便失禁方

灸兩脚大姆指去爪甲一寸三壯

又方

灸足大指奇間各三壯

又療大小便不通方

灸臍下一寸三壯

又方

灸橫文一百壯

又方

葵子一升 竹葉青者一把

右二味以水一升煮一沸頓服之

又方

葵子一升 榆白皮切二升

右二味以水五升煮取二升分二服

又方

水三升煮葵子一升去滓取一升內猪膏一升空肚
一服

又方

鹽半升合蜜三合同煎如飴出之著冷水中如檀形
大深內下部中立通並出第十五卷中

千金翼濡藏湯主大小便不通六七日腹中有燥糞寒熱
煩迫短氣汗出腹滿方

生葛根

二斤

猪膏

二斤

大黃

一兩切

右三味以水七升煮取五升去滓內膏煎取三升澄清
強人頓服之羸人分再服出第七卷中

備急葛氏療卒關格大小便不通支滿欲死二三日則殺
人方

鹽

鹽以苦酒和塗臍中乾又易之

必効同

陶氏卒大小便不通方

紙裹

鹽

燒投水中服之

姚氏風寒冷氣入腸忽痛堅急如吹狀兼已大小便不通或小
腸有氣結如升大脹起名爲關格病

又療大小便不利方

苦參

滑石

貝齒

各等分

右三味搗篩爲散每服飲下一七匕或煮葵根汁服之彌
佳又仲同出第六卷中

古今錄驗療關格大小便不通方

以水三升煮鹽鹽三合使沸適寒溫以竹筒灌下部立

通行

又療大小便不通方

夕臺秘要 卷二十七 經心錄

通草 四兩 郁李人 三兩 車前子 五合一

黃芩 三兩 朴硝 四兩 瞿麥 三兩

右六味切以水八升煮取二升去滓分三服經心錄同

又方

取生土瓜根搗取汁以水解之於筒中吹內下部即

通並出第二十六卷中

經心錄療關格大小便不通方

芒硝 烏梅 榆白皮 芍藥

杏仁 去皮尖 麻子人 大黃

右七味切以水七升煮取三升分為三服一方無烏梅

加枳實乾地黃各二兩

又療大小便不通方

滑石 葵子 榆白皮 各一兩

右三味下篩為散煮麻子汁一升半取二七和服兩服

即通並出第二卷中

近効療大小便不通方

含硝石 吐去水

關格脹滿不通方四首

千金療關格脹滿不通方

芍藥 芒硝 黃芩 杏仁

外臺必效 卷二十七 經心錄

大黃 八分

右五味末之蜜和丸如桐子飲下十九日二服良

又方

獨頭蒜燒熟去皮綿裹內下部氣立通削薑裹鹽導
並佳

又方

乾姜薑

鹽鹽

杏人

右三味等分擣導之

又療脹滿關格不通方

吳茱萸一升 乾姜薑

大黃

桂心

當歸

芍藥

甘草炙

芎藭各二

雄黃三分

人參

細辛各四兩

真珠一分

桃白皮 一握

右十三味切以水一斗煮取三升去滓內雄黃真珠末
酒一升微火煎三沸服一升得下即止不必盡也每服

如人行十里久進之

並出第十五卷中
忌海藻菘菜生菜葱生菜生血物等

許仁則大便暴閉不通方二首

許仁則論曰此病更無餘候但由飲食將息過熱熱氣蘊
積秘結塞若緣氣秘自須依仍前療氣法服巴豆等三味丸及

療水氣葶藶等諸方取利若是風秘自依後服大黃等五

味丸暴秘之狀骨肉強痛體氣煩熱唇口乾焦大便不通
宜依後大黃芒硝二味湯取利方

大黃 六兩 芒硝 五兩

右藥先切大黃以水四升煮取二升去滓內芒硝頓服
之須臾利良久不覺以熱飲投之若服此依前不利宜
合後大麻仁等五味丸服之取快利矣

五味大黃丸方

大黃 五兩 大麻子 一升微熬研之 芒硝 六兩

乾葛 桑根白皮 各五兩

右五味先擣四味為散然後擣麻人令如膏即投四味

散和擣和少蜜擣之丸如梧子大初服十九日再服稍
稍服得大便通為限主大便風秘不通吳昇同出下卷中

小便不通方一十三首

病源小便不通由膀胱與腎俱有熱故也腎主水膀胱為
津液之府此二經為表裏而水行於小腸入胞者為小便
腎與膀胱既熱熱入於胞熱氣大盛故結澀令小便不通
少腹脹氣急甚者水氣上逆令心急腹滿乃至於死診其
脉緊而滑直者不得小便也出第十四卷中
廣濟療下冷疼小便不通雞蘇飲子方

雞蘇 一握 通草 四兩 石韋 一兩炙去毛 冬葵子 一兩

杏人 二兩去滑石皮尖 滑石 二兩

生地黄 四兩

右七味切以水六升煮取二升半絞去滓分溫三服如人行四五里進一服不利忌蕪荑熱麪炙肉蒼麥麩蒜陳

又方

臭物粘食等

冬葵子 五兩

通草 三兩

茅根 四兩

芒硝 二兩湯成下

茯苓 三兩

滑石 五兩

右六味切以水九升煮取三升去滓內芒硝分溫三服服別相去如人行六七里忌炙肉熱食醋蒜等物

又方

茯苓 二分

大黃 六分

芍藥

當歸

枳實 多

白朮

人參 各二分

大麻人 四分

右八味切以水六升煮取二升去滓分溫三服要著芒硝亦得並出第四卷中

崔氏療小便不通方

取熏黃如豆許末之內小孔中神良

又方

桑根白皮

猪苓 去皮

通草 各二兩

右三味切以水六升煮取二升分三服

又方

雞屎白如彈丸以苦酒和服即下不過三四服佳

本云療淋

又方

足大姆指奇間有青脉針挑血出灸三壯愈並出第四卷中

救急主小便不通方

取印成鹽七顆擣篩作末用青葱葉尖盛鹽末開便孔內葉小頭於中吹之令鹽末入孔即通非常之効

又方

取嫩穀木梢濃汁可飲半升以來即愈

必効療小便不通或利不得服滑藥急悶欲絕方

鹽二升大鑊中熬以布綿裹熨臍下按之小便當漸

通也肘後同

古今錄驗療熱結小便不通利方

刮滑石屑水和塗少腹及繞陰際乾復塗之肘後同

又方

取鹽鹽填滿臍中大作艾炷灸令熱為度良肘後千金同並出第

近効療小便不通數而微腫方

取陳久筆頭燒作灰和水服之

小便難及不利方九首

病源小便難者此是腎與膀胱熱故也此二經為表裏俱

上水水行於小腸入胞為小便熱氣在於藏腑水氣則澁其熱勢微故但小便難也診其尺脉浮小便難尺脉濡小便難尺脉緩故小便難有餘瀝也出第十四卷中

集驗療小便難淋瀝湯方

滑石 八兩

石帶 三兩去毛

榆皮 一升

葵子 一升

通草 四兩

右五味切以水一斗煮取三升分三服一升加黃芩三兩

又療淋小便不利陰痛石帶散方

石帶 二兩去毛

瞿麥 一兩

滑石 五兩

車前子 三兩

葵子 二兩

右五味擣篩為散服方寸匕日三並出第五卷中

千金療小便不利莖中痛少腹急方

通草 二兩

葶藶子 三兩熬

茯苓 二兩

右三味擣為散以水服方寸匕日三服忌醋物出第二十一卷中

備急療小便不利莖中痛劇亦療婦人血結腹堅痛牛膝飲方

生牛膝一名牛脣掘取根煮服之立差附後同

陶効方

秦艽 二分

冬瓜子 二兩

右二味搗爲末酒服一七日三服神良用後同
文仲療小便不利方

桑螵蛸三十枚 黃芩一兩

右二味切以水一升煮取四合頓服之良用後同

又方

蒲黃 滑石各一分

右二味爲散酒服一七日三大驗用後同

又療諸淋及小便常不利陰中痛日數十度起此皆勞損
虛熱所致常將散服方

石常去毛 滑石 瞿麥 王不留行

葵子各二兩

右六味搗篩爲散每服方寸七日三服之姚方加滑石

五兩車前子三兩無王不留行備急同出第四卷中

古今錄驗療淋胞痛不得小便滑石散方

滑石 葵子 鍾乳各一兩 桂心

通草 王不留行各半兩

右六味搗篩爲散先食訖以酒服方寸七日三服忌生
葱出第二十六卷中

遺尿方六首

病源遺尿者此由膀胱虛冷不能約於水故也膀胱爲足

通接
左手關
也無汗
肝是無

太陽腎為足少陰二經為表裏腎主水腎氣下通於陰小便者水液之餘也膀胱為津液之府府既虛冷陽氣衰弱不能約於水故令遺尿也診其脈來過寸口入魚遺尿肝脈微滑亦遺尿左手關上脈沉為陰絕者無汗脈也若遺尿尺脈實少腹牢痛小便不禁尺中虛小便不禁腎病小便不禁脈當沉滑而反浮大其色當黑反黃此土之尅水生方導引法云躡蹠高一尺許以兩手從外屈膝至跌土急手握足五趾極力一通令內曲以利腰臆療遺尿也出第十四卷中

集驗療遺尿方

取雄雞腸燒灰為末用三指一撮服之朝暮服當愈
范汪同出第五卷中

千金療遺尿小便澁方

牡蠣熬 鹿茸炙各四兩 桑耳三兩 阿膠二兩
右四味切以水七升煮取二升分為二服作散以飲送之經心錄同

又方

木防已二兩 葵子二兩 防風三兩
右三味切以水五升煎取二升半分溫三服作散亦佳

古今錄驗同並出第二十一卷中

古今錄驗牡蠣湯療遺尿小便澀方

牡蠣四兩

鹿茸炙四兩

阿膠炙二兩

桑螵蛸二兩

右四味切以水五升煮取二升分再服

又方

桑耳三分

礬石二分 熬汁盡 阿膠二分

龍骨三分

右四味為散空心服方寸七日三服

又方

桑耳二兩

牡蠣二兩

礬石二兩 熬汁盡

右三味擣篩為散酒服方寸七日三服並出第二十六卷中

尿血方一十一首

千金療房拉傷中尿血方

牡蠣熬

車前子

桂心

黃芩

右四味等分擣篩為散飲服方寸七日三服不知加至

二七忌生葱出第二十一卷中

崔氏療卒傷熱行來尿血方

大黃末

芒硝末各半匕

右二味冷水和頓服之立止三日內禁如藥法出第四卷中

古今錄驗療尿血鹿茸散方

鹿茸炙

當歸

乾地黄各二兩

葵子五合

蒲黃 五合

右五味搗篩為散酒服方寸七日三服忌蕪黃出第二十六卷中

蘇澄療尿血方

車前草搗絞取汁五合空腹服之差

又方

水服亂髮灰方寸七日三服肘後千金同

又方

服益母草汁一升差立止云葎草

又方

車前三升水五升煮取二升分三服

又方

棘刺二升水三升煮取二升分三服差

又方

膠三兩炙以水二升煮取一升四合分再服

又方

酒服蒲黃二方寸七日二服水服亦得

又方

搗水筋汁服六七合日一服

胞轉方一十五首

病源胞轉者由是胞屈辟小便不通名為胞轉其病狀臍下急痛小便不通是也此病或由小便應下便強忍之或為

通按白膠阿膠皆主尿血黃明膠亦上血淋不知此用何味通按尿血方中有用水芹汁者此云誤

寒熱所迫此二者俱令水氣土還氣迫於胞屈辟不得充
張外水應入不得入內洩應出不得出外內相擁塞故令
不通此病至四五日乃有致死者飽食訖應小便而忍之
或飽食訖而走馬或小便因急奔走或忍尿入房亦皆令
胞轉或胞落並致死出第十四卷中

肘後療卒小便不通及胞轉方

取鷄子中黃一枚服之不過三服也備急同

又方

水上浮萍暴乾末服之小便下通利水脹流腫佳并
金真同

又方

灸桑螵蛸擣爲末水服之方寸匕日服良効

又療小便忍久致胞轉方

自取瓜甲火燒服之備急同

又方

取梁上塵三指撮以水服之神効

又方

服蒲黃方寸七日三服良

范汪療胞轉不得小便方

用蒲席捲人倒立令頭至地三反則通肘後同

又方

雀矢 半合

車前子

滑石 各四兩

通草

芍藥 各二兩

右五味切以水七升煮取三升服五合日三先食服立愈 便得

又療胞轉欲死及失溺方

取豆醬清和灶突中黑如豆大內陰孔中立愈 並出

第十五卷中

備急療卒小便不通及胞轉方

車前草一斤水一斗煮取四升分四服 小品同出第六卷中

古今錄驗療胞轉小便不通亂髮散方

亂髮 三斤光去垢燒

滑石 半斤

鯉魚齒 一兩

右三味擣篩為散以飲服方寸七日三服良

又療胞轉不得小便方

吸芥真琥珀 一兩

葱白 十四莖

右二味以水四升煮取三升去葱白末琥珀細篩下湯

中溫服一升日三服 大刺范注同

又張苗說有容忍小便令胞轉大小便不得四五日困篤

欲死無脉服此差方

滑石 二兩

亂髮 三兩燒灰

右二味擣下篩取生桃白皮一斤熟舂以水合絞得汁

二升以汁服散方寸七日三服即愈其但淋者取亂髮
三兩燒灰滑石五兩合搗為散服方寸七日三服
又說不得小便者為胞轉或為寒熱氣所迫胞屈辟不得
充張津液不入其中為尿及在胞中尿不出方

當以葱葉除尖頭內入莖孔中吹之初漸漸以極大吹
之令氣入胞中得脹乘得入便愈也朱郁用此藥療郭虎將
十五歲男用

葵子 一升

通草

甘草

各二兩炙

石常

一兩半去毛

滑石 四兩

榆皮

二升

右六味以水一升煮取三升今服

范汪同並出第二十六卷中

小便血及九竅出血方一十二首

小品療小便血菟絲丸方

菟絲子

蒲黃

乾地黃

白芷

荆實

葵子

販醬

當歸

茯苓

芎藭

各二兩

右十味合搗為末以白蜜和丸如梧子大飲服二丸日
三服不知加至五六丸劉洪地方已効常服忌酢物蕪
蕪古今錄驗范氏同

又斷血諸方所云下血者其從腹裏出者悉為下血也有
痔病血從孔邊出者別尋痔方出第四卷中

通按
脚俞在
十一椎
今云十
羅誤矣

千金療小便出血方一本云以下治勞虛尿白濁

灸脾俞百壯在第十椎

又方

灸三焦俞百壯在第十三椎

又方

灸腎俞百壯在第十四椎

又方

灸章門百壯在季肋端

又方

榆皮二斤水二斗煮取五升分十服冷服之佳

又方

擣乾羊骨下篩水服方寸七日三服

又治小便血方

生地黃八兩

柏葉一把

黃芩三兩

阿膠二兩

右四味切以水七升煮取三升去滓內膠分三服並出
第二十一卷中

文仲療小便出血方

生地黃汁一升

薑汁一合

右二味相和頓服不差更作此法許令公處云極効肘後同

又方

灸足第二指本第一文七壯立愈附後同

又方

龍骨末二方寸七温酒一升服之日三服深師附後范汪陶氏同

又方

當歸四兩酒三升煮取一升頓服之附後深師范汪同並出第六卷中

小便不禁方二首

病源小便不禁者腎氣虛下焦焦受冷也腎主水其氣下通於陰腎虛下焦冷不能温制其水液故小便不禁也出第十四卷中

千金翼小便不禁多日便尿數斗或如血色方

麥門冬去心

乾地黄各八兩

茯苓子

桂心

續斷各二兩

甘草一枚兩

乾姜薑四兩

右七味切以水一斗煮取二升五合分三服忌海藻松菜生葱等物

又久房散主小便多或不禁方

菟絲子

二兩酒漬蒲黃三兩

黃連三兩

消硝石一兩

肉蓯蓉

二兩五味子三兩

雞胓胫中黃皮三兩

右八味擣篩為散每服方寸七日三服每服如人行三四里又服並出第十五卷中

小便數及多方五首

病源小便數者膀胱與腎俱虛而有客熱乘之故也腎與

通按硝石疑是滑石藥只七味疑有缺

膀胱為表裏俱主水腎氣下通於陰此經既虛致受於客熱虛則不能制水故令數小便熱則水行澀澀則小便不快故令數起也診其脉跗陽脉數胃中有熱即消穀引食大便必難鞭小便則數其湯熨針石別有正方補養宣導今附於後養生方導引法云以兩踵布膝除數尿出第十四卷中范汪療小便數而多方

黃連 二分 苦參 二分 麥門冬 大心 一兩 土瓜根

龍膽 各一分

右五味搗篩以蜜丸如梧子每服十九丸加至二十九止一方無苦參有黃芩

又方

括樓 十分 黃連 五分

右二味搗篩為散每服方寸七日三良

又方

瞿麥 二兩 滑石 一兩 葵子 一升 黃芩

甘草 炙各一兩

右五味切以水六升煮取三升去滓一服六合

又方

桃仁 人 一味咬咀酒一升煮三沸去滓分為三服強人一眼盡之並出第十七卷中

集驗療小便數而多方

羊肺羹美內少許羊肉合作之調和鹽如常食之法多
少任意不過三具范汪同出第五卷中

許仁則小便數多方四首

許仁則論此病有二種一者小便多而渴飲食漸加肌肉
漸減乏氣力少顏色此是消渴一者小便雖數而不至多
又不渴飲食亦不異常或不至多能食但稍遇天寒冷即
小便多更無別候此是虛冷所致大都兩種俱緣腎氣勝
膀胱渴不差便能殺人腎虛腰冷無所為害若候知是消渴
小便數宜依後拔拔葵等八味湯黃耆等十四味丸并竹椹

等十味飲小麥麩等十四味煎以次服之方

拔葵八味湯方

拔葵

土瓜根

各三兩

黃耆

地骨皮

五味子

各四兩

人參

三兩

石膏

八兩

牡蠣

三兩真燥不雜者

右藥切以水一斗煮取三升去滓分溫三服每服如人
行十里覺可重合服一劑服至五六劑佳隔五日服一劑劑數滿
宜合後黃耆等十四味丸服之

又黃耆十四味丸方

黃耆

黃連

土瓜根

各五兩

苦參

三兩

玄參

六兩

栝樓

地骨皮

龍骨

菝葜

鹿茸

炙各四兩

牡蠣熬

人參

桑螵蛸

炙各三兩

五味子

升一

右藥搗篩為末蜜和為丸用後竹根飲下之初服十五丸日二服稍加至三十九如梧桐子大忌猪肉冷水

又竹根飲子方

薑竹根

生茅根

蘆根

各切五升

菝葜

切二升

石膏

一斤杵碎

烏梅

三十枚

生薑

切一升

小麥

三升

竹瀝

二升

白蜜

一升

右藥以水五斗煮取一斗去滓內竹瀝及蜜著不津瓶貯之用下前丸縱不下丸但覺口乾及渴即飲之如熱不限多少冷後

月即逐日斟酌煎之須臾則恐壞也如不能作此飲且用

烏牛乳下丸及解渴日服丸及飲夜中恐虛熱宜合後

小麥麩等十四味煎細細含嚥之

又小麥麩十四味煎方

又小麥五升以水硬漉之別於水中揉挺令麩粉盡麩筋

別成一塊即止以此麩粉汁別器澄停瀝却清汁即以

稠粉盛於練袋子中漉著令微燥生葛根五挺徑三寸

長二尺碎搥於水中揉挺令葛根中粉汁盡別器澄停

盛貯一如小麥麩法括棧五斤擣如上法胡麻三升

去皮熬令熟為散筋薑竹根切一斤生茅根切一斤生蘆

通按方參十四味藥得十三味疑有缺

根切一斤，烏梅五十個顯，以上用水五斗，用火煎取一升半，去滓澄取清。冬瓜汁二升，生麥門冬汁三升，生薑汁一升，牛乳一升，白蜜二升。先取竹根等汁和冬瓜以下汁，微火上煎減半，次內牛乳白蜜，又煎六七沸，投小麥麩粉生葛粉、栝樓粉、胡麻散於諸汁中煎和熟，攪之勿住手，候如稠糖即成。成訖止火，待冷貯別器中，每夜含如此，初服一棗大，稍稍加至一匙，亦任性，日日含之，欲作丸飲服亦得。出第十卷中方中只十三味，元欠一味。

尿牀方六首

病源人有於眠睡不覺尿出者，是其稟質陰氣偏盛，陽氣

偏虛，則膀胱腎氣俱冷，不能溫制於水，則小便多，或不禁而遺尿。膀胱足太陽也，為腎之府，腎為足少陰，為藏與膀胱合，俱主水。凡人之陰陽日入而陽氣盡，則陰受氣，至夜半陰陽大會，氣交則卧睡，小便者水液之餘也。從膀胱入於胞為小便，夜卧則陽氣衰伏，不能制於陰，所以陰氣獨發，水下不禁，故於眠睡而不覺尿出也。出第十四卷中

千金療尿牀方

羊肚系盛水令滿，急繫兩頭，熟煮，開取水頓服之，立

差。

又方

雞胍脰一具并腸暴乾末酒服之男雌女雄也

又方

羊胞盛水滿中炭火燒之盡肉晨朝空腹服之不過四五頓差

又療尿牀方

新炊熟瀆飯一盞寫尿牀處拌之收取與食之勿令知

又方

垂兩手髀上畫指陷處灸七壯又灸臍橫文七壯並出第二十一卷中

近効療尿牀方

取麻鞋乳帶及鼻根等唯不用底須七輒以水七升煮取二升分再服

灸穴雜法一十二首

千金翼灸五淋法

灸大敦三十壯

又石淋臍下三十六種疾不得小便法

灸關元三十壯一方云百壯

又血淋法

灸丹田穴隨年壯良

外臺秘要

男

總會局

重訂唐王燾先生外臺秘要方第二十七卷終

天聖新心時類出
 永行開穴三十集
 天聖中編其

